



## 二趾長過公

「妹(me)，醫生講阿爸好轉了，大家參詳講十號，送阿爸轉。」

該日，佢打早就去到大哥屋下，等等見阿爸个最後一面。其實，佢毋係盡想記得吾爸最後个面容，因為，一生人大格、派頭、膽識盡在个阿爸，中風三年，在盡尾一年變做植物人，面頰卵瘦瘦、目珠窟深深，膽，也分醫生割忒了，在吾心肝肚个阿爸永久都係大格派頭个。

逐隻月去醫院看佢，佢會牽等厥手，就像佢去臺北讀高中時節，佢在學校門口，牽等吾手毋盼得放手共樣。「爸，轉寒了呢，當久，無帶佢去食四神湯了！」「您變到大頭確了，原來，佢正經生到像您，係大頭確！」就算，自家緊講定定，佢還係想摻佢打嘴鼓，佢知佢聽得著乜知佢想講麼个；伏在厥心肝前，換佢拉等厥耳砵仔摻佢膽膽大，就像讀小學時節，佢目汁含等毋願去讀書个朝晨頭佢摻佢惜共樣，佢知佢感覺得著。

有人講，吾右腳「二趾長過公」見毋著吾媽最後一面。該年五月，吾媽前一暗晡還吩咐佢講毋使愁，第二日就恬恬仔走，無分佢看著，單淨分大家看著佢睡到盡鬆爽个面容，一生人無一覺好目睡个阿姆，毋會再過分人吵醒了。吾左腳，二趾還係長過腳趾公，佢就毋信！

「三姊講，定毋著美國轉來个機票，等天光日正分阿爸轉。」啊？機票！

好得，吾爸一生人精精，毋係人講个「風車尾，二槽冇——毋精」。自家知得食好、用好、著好，分子女个食著也盡盼得；美國、日本、菲律賓，褲袋仔袋飽飽就行，帶轉來分子女个等路也全全毋識跌忒，惜佢惜个、惱佢惱个，一生人算無麼个遺憾了。因為健康問題，人生最尾一口氣，正來交分飛行機个枋次決定，正經係學老話講个「十全欠黃耆、肉桂」安到「八珍(bad din)」！

人講「二趾長過公，毋死一世窮」，也有人講係「二趾長過公，毋使一世窮」，你信哪個？佢較信，人愛守顧好自家个康健，一世人篤實打拚摻規劃，人生正有好自家定貼。

作者：彭瑞珠

### ☆詞彙學習☆

【大格】tai gag：體格高大。

【十全】siib qion：十全大補湯。四君子、四

【大頭確】tai teu kog：大頭，腦袋很大。

物加上黃耆(補氣升陽)、肉桂(溫補命門)。

【二槽冇】ngi co pang：落入風鼓車二槽的空心穀粒。

【八珍】bad din：三八，形容人的言行不莊重。源自閩南語。

### ☆文法學習☆

【膽識(生來)盡在】dam` siid` qin cai：很有膽識。「N 名詞(+V 動詞來)+盡在」，表N 名詞建置得很穩固。

例1：厥屋起來盡在，地動來乜毋使愁。(他的房子蓋得很穩固，地震來也不用擔心。)

例2：厥心肝盡在，一息仔都毋會緊張。(他的心神最安定，一點兒也不會緊張。)